



**Erasmi a Chokier Tractatus iurisdictionis ordinariae in
exemptos, illorumque exemptione ab ordinaria
iurisdictione**

in duos tomos distinct.

Quo Praeter Varias Ac pervtiles Additionibus praecipuis & in foro
potissimum occurrentibus Tomi primi Quaestionibus annexas, etiam S.
Rotae Romanae Decisiones Novissimae De Eadem materia editae, &
singulari studio selectae continentur - Hac postrema editione
praecedentibus duobus Tomis primum additus

Chokier, Érasme de

Coloniae Agr., 1684

Ad Quæst. 47. Additio.

[urn:nbn:de:hbz:466:1-61921](https://nbn-resolving.org/urn:nbn:de:hbz:466:1-61921)

Ad Quæst. 42. Additio.

AD quem appellare debeant exempti? Nota quod sententiam D. Auctoris hoc loco numero secundo propositam confirmavit Sacra Congregatio: proposito enim dubio, an cum Episcopi procedunt uti Sedis Apostolicæ delegati in causis, quæ aliàs sub eorum iurisdictione ordinariâ non comprehenduntur, possit ad alium quàm ad Sedem Apostolicam appellari? Congregatio respondit non posse, uti in casu Concilii Trident. cap. 3. sessione 6. & cap. 4. sess. 14. cap. 9. sess. 21. retulit Fagnan. in cap. ad audientiam numero 47. de Eccles. adific. Ratio est, quia ubi Episcopi procedere non possunt nisi iure delegato, necessario erit appellandum ad delegantem. cap. super de offic. deleg. C. licet de offic. Ordin. Marian. Socini. conf. 83. num. 5. lib. 4.

Ad Quæst. 47. Additio.

Capitula an iurisdictionem habeant in Capitulares? Negativa simpliciter verior est, loquendo de ordinaria iurisdictione per ea quæ notat Abb. in cap. cum causa numero 7. de off. deleg. & sequitur Auctor noster infra part. 5. cap. 71. At si de modica coercionem, vel de ordinatione eorum, quæ ad bonum Ecclesiæ regimen pertinent, etiam communi iure Capitula potestatem statuendi, & coercendi habere videntur, ut colligitur ex cap. cum omnes de consuet. cap. un. ne sed. vac. in 6. Felin. in d. cap. cum omnes. numero 9. & bene Suarez de legibus lib. 4. cap. 6. numero 11. & 12. Rota decis. 76. numer. 3. par. 7. & decis. 210. num. 9. par. 17. recent.

Consuetudine autem qualibet Capitula etiam Ecclesiarum Cathedralium acquirere possunt jus & potestatem corrigendi & puniendi excessus Capitularium. cap. irrefragabili, §. excessus ubi DD. de offic. Ordin. Etiam per distributionem corporalem & censuras. Rota decisione secunda de prescript. in novis & coram Mohedano decisione secunda de foro compet. Et excluso Episcopo qui solum in casu negligentie Capituli procedere poterit. d. capite irrefragabili, §. excessus de offic. Ordin. quæ tamen consuetudo excludendi Episcopum hodiernon prodest Capitulis, nisi ad hoc solum, ut Episcopus extra visitationem ad correctionem excessuum procedere volens, teneatur idipsum facere cum consilio

lio & assensu duorum Capitularium initio cujuslibet anni à Capitulo eligendum ut disponitur in Concil Trident. sess. 25. cap. 6. latè Fagnan. in d. cap. irrefragabili §. expressus à num. 9.

Sunt tamen casus speciales, quibus Episcopus solus corrigere potest, vel si torum Capitulum nrimine excepto deliquisset. Rota coram Seraphino decif. 1130 num. 1. & seqq. & in casu Clerici concubinari, cujus coercionem Episcopo relevavit Concil Trident. sess. 25. cap. 14. de reform. nisi decidit Rota decif. 55. num. 5. par. 1. p. 1.

DECISIO LXXX.

Decanus & Capitulum alicujus Ecclesie Collegiate possunt præscribere potestatem excommunicandi, incarcerandi, & coërcendi Canonicos, Vicarios & Beneficiatos delinquentes.

Decisio 2. de præscript. in no-vis.

SUMMARIUM.

- 1 Præscribi potest per Capitulum potestas coërcendi Capitulares.
- 2 Judicare & excommunicare non sunt fructus jurisdictionis, sed potius labor & onus.
- 3 Possessio jurisdictionis an minus sit quæratur.

Fuit dubitatum & in relationibus positum, utrum Decanus & Capitulum alicujus Ecclesie Collegiate possent præscribere potestatem excommunicandi, incarcerandi, & installandi Canonicos, Vicarios, & alios Beneficiatos illius Ecclesie delinquentes? Super quo dubio fuit solemniter per Advocatos in publicis relationibus allegata & tractata materia meri & mixti Imperii; & quia prædicta videbantur meri imperii, & spectantia non ad se, sed ad Principem. Ut in L. Imperium ff. de jurisd. omn. jud. Ergo non videbantur præscripti bilia, sicut nec delegabilia